

倚聲初集

倚聲初集卷九

武進鄒祗謨程邨

全選

新城王士禎阮亭

常州孫自式風山叅閱

小令九

雙調望江南

一名謝秋娘
仙 安陽好

又望江梅

江南好

夢游

戲和秋岳

龔鼎孳

華燈畔春眼溜微波小閣名香籠綉帶畫簾人影似輕羅妙處
不須多癡蝴蝶生就繞纖蛾玉碾蟾蜍天上夢風憐翡翠座
中歌多事憶鸞幃
古織錦詞葉亂雲盤相間添此意欲傳
傳不得必如綺識方許傳此種意味

和遂初韻

苔影綠。宮雨長。槐芽雙燕也知禳。玉樹一杯還許泛流霞。醉處且爲家。 榴蓋豔。狂眼絳雲遮。緊夢管簫新殿脚。惱人風露舊宜華。明月恨先賒。

道經言月有豔。賢寒婉之喻。可費中丞此詞。

秋暮

曹爾堪

秋欲暮。江水盡生涼。鷗浴似添濤。外雪林疎微映菊。前黃村屋日恒長。初刈獲。秔秠半登塲。籐起肥鰲宜買醉。甕傾新酒遠聞香。一笑舉杯觴。

阮亭云。學士詞如詩中儲王。

春詞

朱存標

燕飛來。曲檻畫樓東。蝴蝶已隨芳草碧。蜻蜓猶帶落花紅。初月

尚朦朧。無端緒。一望晚烟空。繡帶隨身香氣遠。翠釧壓枕睡痕濃。好夢識春風。

鮮艷婦人秋士移情之作

驚秋

吳啓思

秋已到。幽恨幾人知。去歲今朝花月夜。人間天上醉眠時。撫景緒如絲。秋露冷。河漢影遲遲。萬事回頭都是夢。一生着意半成癡。何處續相思。

阮亭云昔人黃昏微雨書簾垂一篇正相似

夜景

王宗蔚

楓葉落。人靜碧樓寒。水底明霞浮菰芷。階前珠露濕紅蘭。花影近欄干。銀珮冷。幽徑晚香殘。芍藥風搖連繡帳。珊瑚燭影照銅盤。微月點金鬟。

李慎言夢作拋毬曲時曾賦此景

本意

王士禎

江南憶、風景奈何春。鵝子蘸絲黃、淡淡鴨頭染、水綠粼粼、帘外杏花村。江南憶、秋氣倍關人。楚塞鴻歸、山近遠、吳江楓落、雨續紛、誰道不銷魂。

江南事、纔說便沾巾。兒女能爲三閭曲、鶯花猶作六朝春。小庾賦難陳。江南客、莫惜酒沾唇。畫裏聖檀分、暈色風前人。柳鬪腰、身心力事朝雲。

樂府吳聲歌曲有三閭詞劉禹錫所作詠陳後主事所謂珠箔曲瓊鈎子細見揚州也畫

家七十二色有檀色。婦女眉暈似之花間詞。背人勾檀注西樵山人詩。愁裏眉痕損。聖檀溪上林苑中有人柳。一日三眠三起見。西京雜記。唐詩閒倚屏。二詞大爲江南生色。自隋風笑周昉。枉將心力事朝雲。皇白傳來此調得。阮亭更成絕唱。

閨夜

董以寧

和郎坐閒話說東家小鴨漫燒宮裏餅香溝滾潑雨前茶春去
且由他 和郎坐粧卸玉簪斜戲譜新詩題冊葉輕移小盞護
燈花遲遲入帳紗

真閨中風雅川修閨鄒魯
女洙泗之言覺太板重

病述

鄒祇謨

閒中惱花事恨寥寥狎客群登青雀舫妖姬家住紫鵝橋蕭寺
獨無聊 閒中好蓬跣任逍遙識字屢呼君子鶴佐觴猶伴美
人蕉一醉任天高

阮亭云
逍遙

浪淘沙

一名賣花聲

山中夏

陳繼儒

風雨雲月。青青雙鬟捧着小紅燈。報道綠窗廊底下。蕉
月分明。枕簟覺涼生。茉莉香清。蘭芽新吐。百餘莖。撲得流螢
飛去也。團扇多情。阮亭云此等存之以見前輩風流。○字字清麗。

晚秋病中述懷

俞彥

牕裏夕曛殘。牕外寒山沈。郎不耐客衣單。多病伴愁愁伴我。我
病相攙。窗外雨聲潺。牕裏憑欄纔看春去。又秋還。還去都歸
天上也。留恨人間。阮亭云李皇天上人間四字分剖妙絕。

題畫蘭贈孫令修

吳偉業

枉自苦凝眸。腸斷歸舟。依然明月舊南樓。報道孫郎消息好。楊
柳風流。花意落銀鈎。一寸輕柔。生綃不剪少年愁。看取幽蘭

啼露眼。心上眉頭。

李長吉幽蘭露重如啼眼。梁人云：此柳風流可愛，令老折，永豐一枝曾憶瀟湘九畹乎。

春夜同秋岳小飲

龔鼎孳

銀燭照柔心。欲醉還禁。珊瑚鈎小掛春陰。煨煖多情簾外月，玉漏宵沉。鴉語帶宮音。柳色搖金。沈郎銷瘦舊時砵。辜負餘醪，真薄倖，瞥眼花深。

蔚藍天上人語

春恨

陳子龍

閣外曉雲生。烟草初醒。一番風雨一番晴。幾度銷魂還未了，又到清明。偏是對娉婷。特地飄零。落花春夢兩無憑。滿眼離愁，留不住，恹我多情。

可謂鍾隱後身

憶昔

清淺木蘭舟。春思悠悠。暮雲凝碧倩樓當。日畫堂紅蠟下。戲與藏鉤。何處問重遊。好景難留。誰家花月惹人愁。總有笙歌如夢也。別樣風流。

阮亭云讀湘真詞覺鏤鉢字句者之拙

聞春榜口占

錢繼章

往事不堪談。休更憑欄。年華冉冉入吟髭。且喜長安下第日。身在江南。何處較青藍。夢裏邯鄲。曲橋花影覆澄潭。一領烟簑三尺釣。滿眼春山。

阮亭云無言而有畫意

咏夏燕

李雯

小苑午陰長。梅子初黃。三三兩兩過池塘。不管羅幃人倦起。斜入紗窗。細語費端詳。只近迴廊。纔經北館又南廂。啄破海榴。

紅欲溜。嬾上雕梁。

阮亭云一幅黃筌花鳥

題大兄村居

錢繼振

水水湛清華。有個山家。柴門開向綠谿斜。茶竈未安亭未穩。先種梅花。春暖看東舍。兼辦魚叉。道傍誰識故侯瓜。夢醒晝長。無一事。放了蜂衙。
置之渭南集
中復能辨否

憶昔

宋徵璧

銀蠟一重重。寶鴨香濃。珠簾和月照朦朧。戲賭荔支翻玉局。愁聽疎鐘。紅裊繫酥胸。裊隱芙蓉。綠雲輕與卸金蟲。釵膩鬟鬆。還不整。偏愛飛蓬。
阮亭云倦枕徐歎
寶髻鬆那得不愛

秋海棠

宋徵輿

盡日雨冥冥。滿眼青青。斷腸心事亂星星。冷落臙脂如欲語。秋夢初醒。玉砌與銀瓶。無限飄零。月斜人跡散空庭。葉是衣裳。花是面。剩影殘形。舊傳海棠人淚。所化葉如其衣。阮亭云無花如其面。蓋思婦之魂魄矣。冷風清確。是詠白蓮詩此。亦字字秋海棠。不可移贈。

秣陵秋旅

雁字起江干。紅藕花殘。月明昨夜照更闌。酒醒忽驚秋色近。迴首長看。零露曉風寒。鄉夢須還。鳳城衰柳不堪攀。木落秦淮人欲去。無限關山。阮亭云景差宋玉之才。

戊寅十二月二日過智月禪院晤西瞻上人時天色晴

煥佛堂前紅梅盛開

曹爾堪

輿渡近衡門。信步南村薄。綿今日覺微溫。梅染胭脂先破臘。伴
佛黃昏。冷淡許誰論。菜甲篁孫逢僧閒。話半無根斜日一簾
當戶捲。曝取朝暾。

阮亭云如曼陀羅華不妨空艷

別意改洪叔璜詞

王彥泓

花霧漲冥冥。欲雨還晴薄。羅衫子着來輕。解道明朝寒食近。且
莫成行。花下酒頻更纖手。重增十三絃。昨訴離情又得一宵
相伴也。無限丁寧。

詞筌云此洪作止存三句詞意俱換幾於虞允文用王權之卒不止李太尉入河陽軍也○阮亭云此詞洪王二家韻俱真庚通用程邈與余論別尤嚴復爲更易三韻如春穀者由精入鑿字字妥確矣

一醉

陳世祥

書室紙爲屏。病嬾嘗荷閒人無事學翻經。折得梅花和雪嗅。片

片冷冷。鐘語坐來聽。身世如萍。向誰白眼向誰青。自造中山。千日酒有醉無醒。

在龍洲龍川外又創一格

春眺

計南陽

萬里一孤峰。落照沈紅。夷吾當日重江東。何處青山人不老。獨恨英雄。黃蝶繞春風。燕子匆匆。旌旗荆楚壓王宮。千古傷心今日也。流水濛濛。

阮亭云低回無限有歌泣不可之意

樓上愁

湯傳楹

無語暮憑樓。烟雨初流。瀟湘一派錦囊收。家在江南斜照裏。心在江州。殘葉向人愁。匹馬孤舟。兩行鴻雁數聲秋。征客酒旗何處也。霜月低留。

展成序洲中草欲呼蘇柳叱王關爲卿謀餽詞曲此猶見其一斑

讌集

楊繼禮

錦席綺筵重。蘭炷香濃隔簾鵲。喚秋風。六曲闌干頽玉處。夢到巫峰。金縷翠雲中。寶髻輕鬆綠窗月。色正朦朧。說到飛觴。傳永夜。怕聽飛鴻。

淺分視北燭剪窗西
吳歛越艷令人神往

和漱玉詞

王士禎

硯匣日隨身。檢點殘春橫雲斜月。闌鮮新。昨夜相思曾入夢。香雨香雲。記得醬丹唇。似喜還嗔。醒來惆悵隔仙津。欲識迴腸。千萬轉。日日車輪。

漢人詩醬妃
用一事必極上
女唇甘如飴
還何患才多

春恨

陳維崧

湘閨怨。春盡金釵。歲華。玉樓還有艷陽時。縱使人間春自好。悔

我參差。偏是好花枝。特地傷悲。銀屏掩着寶簾垂。問取落紅。深似海。曾見憐誰。
其年工作情語
濃澹皆有倩色

秋閨

姚袁鑑

未晚預思量。準備愁腸。薰籠香燼怯新涼。野月漸高。風漸悄。獨掩紗牕。隻影最悲傷。莫剔銀缸。那堪笑語度東牆。惱得人兒魂欲斷。錯數更長。
善寫
秋景

姑蘇懷古

倪晉

把酒試評論。吳市烟昏。當年若個仗青蘋。記得胥臺初突。几夜夜消魂。誰想苧蘿人。響屧生春。而今憑弔泣芳蓀。唯有蠲鑊光不滅。隱隱齊門。
阮亭云讀末句如
聽胥江半夜潮也

憶舊次覽民韻

俞汝言

芳草倚天涯。幾引流霞小樓宛轉。暮雲遮。記得當時歌舞地。碧水梨花。歸路一鞭斜。斷送年華夜涼無夢。越窗紗。酒醒更殘。燈又灺。春在誰家。

斷腸人遠傷心事。多言之可爲大息。

七夕

董元愷

新月一弓彎。烏鵲橋圓。雲輶縹緲度銀灣。天上恐無蓮漏滴。忘却更殘。莫爲見時難。錦淚潛潛。有人猶自獨憑欄。若果一年真一度。還勝人間。

平心之論天孫亦應首肯。

春閨

周振藻

鶯燕太匆匆。旖旎風光。玉梭和淚織流黃。蹙得遠山眉又淺。怕

整殘粧。今夕在何鄉。羅綺餘香空教寶瑟弄初涼。眼底青春
今去也。花落銀牀。

阮亭云字香荷

冬夜宿梅花樓有感

錢理

三徑草平遮樹老。槎牙黃蘆占盡白鷗沙。空有小寒風信到不
見梅花。夜月聽啼鴉也帶傷嗟。高臺傾處石橫斜。浙浙紙窗
驚曉夢。吹入霜華。

二十四番花信。殊有坡公高處風小寒屬梅花。不勝寒之致。

江月晃重山

初避人

董以寧

幾片桃花蘸面。一圍蝶翅披肩。當初生小在人前。游郎到迴避
只今年。飲笑共人。紫扇低眸。喚婢垂簾。猶飄紅袖出屏間。還

偷覷輕陽鳳鞋尖。

阮亭云堂上簾錢
堂下走有其人否

減字南鄉子

美人四影詞

王岱

夢轉西窗。剔盡殘膏卸夜粧。疑是離魂同倩女。微落分得。儂身
作一雙。背解羅裳。阿膝深含。荳蔻香畧露雞頭。新乳滑難忘。

隱約溫柔在那鄉。

右銓 阮亭云山長磊砢
之才亦作詩語

倚檻遲眠。不覺花陰惱亂。偏剛好成三芳砌裏。輕烟一半。婀娜

不盡傳。緩側香肩。閒撲流螢。拾墮鈿。彷彿石花裙子動。堪憐。

過盡幽香。卽悄然。

右月 山長四影詞俱善繪空中語而
燈月二影尤勝可謂寫照獨工

一七令

雪

呂 鼎

雪迴翔瑩澈舞瓊英。飄玉屑。驢背行吟。雞聲遠咽。樓深芋火微。
林補梅。花缺漁翁釣罷。江寒山叟樵歸。徑絕謝女庭前。絮共飛。
蘇卿客內。遷同謫。舉似升菴。可與匹轡。

河傳 第十體

題美人早起圖

董以寧

小扣輕袖衣香堪嗅。推郎先起。再添紅獸。爲問茶糜開否。拈花
先浴手。學梳時髻。疑偏墮。菱花座側。處處疑添。个步蕉房對碧
窗。檀郎看儂新樣粧。

阮亭云山盡溫柔鄉
風味非丹青所辦

四寶帳用孫光憲韻

宗元鼎

花。颺。香。歛。輕。綃。烟。閃。夜。光。螢。點。影。紋。深。院。有。箇。韓。娥。神。艷。隔。幃。
芳。映。臉。東。都。天。子。江。南。客。河。山。隔。銀。兔。當。樓。白。秋。已。歸。春。又。
歸。清。暉。輕。魂。帶。夢。飛。迷樓張四寶帳一散春愁二醉忘歸三
夜酣香四延秋月影紋院十六院之一

河傳 第十一體

桃葉渡訪妓不遇

周遇緣

吾。來。桃。葉。晉。風。流。拉。他。大。令。春。遊。綠。楊。檻。裏。翠。筵。篴。遲。留。春。風。
十。四。樓。依。約。金。環。來。處。是。他。年。至。已。作。旗。亭。肆。杜。陵。花。亭。蘿。
紗。星。查。詢。他。賣。卜。家。阮亭云似潘景升
過長坂橋作記時

河傳 第十二體

丹楊宮用李珣韻

宗元鼎

欲去何處襟吳帶楚情作江流渡成江雨記得桃葉波前青溪
擁戰船癡情每向繁華結江都別風景長千絕想後庭玉樹
較繡瓦春風更誰同楊帝築宮丹楊因亂起使阿廢聞之
未果遷丹楊卽建業也亦當心折

雨中花 第三體

殘梅同秋岳作

龔鼎孳

半捻銀梨雪乍瘦一帶碧欄風欲皺問月似芳魂池憐春影可
記橫斜候幽磬押簾燈火後霞帳薄寒香透漸花怯籠屏人
慵倚笛打疊風光漏吹縐一池春水與一帶碧欄
風欲皺工力各至不妨並美

芳草渡 第一體

偶見

鄒祗謨

朱。隸。鞢。翠。篋。輕。艷。處。十。三。樓。徘徊。雁。柱。自。微。揚。香。閣。內。繡。帳。
裏。不。曾。愁。春。如。線。人。似。燕。恨。煞。東。君。作。踐。薰。寶。鴨。倚。秦。箏。綠。
鬟。膩。紅。潮。淺。越。風。流。

阮亭云險調難於艷緻
艷緻而尤停妥技止矣

鷓鴣天 一名思佳客 又瑞鷓鴣一體 於中好

春郊

吳宗達

何處春光最感人。青山門外水痕新。馬蹄無力依芳草。燕翅多情撲軟塵。
攜斗酒。伴閒身。點點飛花簇錦茵。著意流連歸路晚。一鉤纖月掛城閭。

文端相業不減趙忠簡詞亦清婉相近

瓶梅

俞彥

淺渚明沙聚碧流。依然春信鎖枝頭。金徽昨夜初賡曲。羌笛何

人更倚樓。朝露重。晚烟浮。幾回花外月如鉤。而今貯向。應紗裏。點點寒香入夢愁。

阮亭云風韻天然妙在非西洲隴頭可借

遊仙

吳偉業

絳節霓旌降下方。玉卮娘怨鎖瑤房。桃花阿母勤拘管。流出桃源賺阮郎。紫鳳輦。碧霞觴。麒麟爲脯玉爲漿。人間別有黃姑夢。笑把雲和引鳳凰。

絕似曹唐小遊仙諸詩

題畫

宋徵輿

粧束分明是內家。綠雲初綰倚窗紗。水晶簾底懸秋月。雲母池中浸碧霞。紅襪小。翠裙遮。微風搖颺一鈎斜。無端記得春深淺。獨向空庭數落花。

詞中全見畫意那得南岳喚真真也

題村叟屋壁

補
袁黃

袖手春林散翠鬟。莫嫌此地少青山。酒逢社日添酬應。花到開時費往還。松老大竹平安。柴荆雖設不常關。旁人方訝茅簷窄。鶴戶蜂房去半間。

筆墨淡永可
謂詞家陶韋

重陽晚眺遇雨

李昌垣

十里平蕪帶晚霞。蕭蕭歸雁宿汀沙。雨遶村外行人渡。花滿溪南處士家。思往事負年華。夢魂飄泊任天涯。西風吹換江州鵲。獨醉東籬數暮鴉。

阮亭云致極閒澹此等
詞非渭南老人不能作

北固晚眺

錢陸燦

楊柳蕭條水拍天。漁舟落網就人烟。野田一半連魚尾。估客逢

迎換蛋船。南郭璞北焦。先西風。牽到葉紅邊。莫將日暮登臨。
恨去聽伊家十四絃。

詞境澹遠末語殊覺黯然

贈歌姬

管 捷

疎簾山院隱。嬋娟撚玉。磋瓊濯露鮮。未舞柘枝先弄笛。欲歌金
縷。且調絃。鶯睨睨。燕翩翩。應將傾誤博。郎憐最愁絳蠟消殘。
處。夢作巫峰一縷烟。

香迎花映情見于詞

初夏

吳周瑾

香滿池塘綠蔭濃。淡烟隔浦映新桐。燕拖楊柳堤邊雨。蝶舞茶
蘼架底風。雲望斷。草連空。笑聲低。山粉牆東。朱樓隔岸誰家
女。閒倚湘簾數落紅。

自然娟好

昨夜

董文驥

昨夜銀虬覺未長。合歡離席玉交觴。三聲碧樹留人夢。一點硃砂染妾腸。辭。玳。枕。去。桑。鄉。輕。將。別。况。不。思。量。烏。啼。山。月。疎。鐘。後。鳳。脰。青。青。冷。半。床。

阮亭云侍御情艷之作在村牧韓偓之間詞手固應爾爾

雪意

曹爾堪

漠漠重雲足四垂。紙窗風靜覺輕吹。水仙怕凍先遮箔。田芋思煨待舉卮。前有句。好吟詩。安排險韻寫瓊枝。呼童急往前村去。趁此泥乾認酒旗。

阮亭云歐蘇禁體後六百年復見顧菴

冬日小集

赤葉樓頭好醉看。高歌一曲笑彈冠。剖香橘柚吳姬手。撮細蒲

蜀燕市盤紅袖側易爲歡多情莫厭酒杯殘惟耽杜牧風流
句不點明犀也碎寒

阮亭云本
色人難學

重陽

節屆重陽覺薄涼閉門消得一杯漿繞籬菊賤先開紫食稻螯
肥漸有黃城角下小亭荒茭夷秋草受秋陽登高不用茱萸
袋自有奚奴舊錦囊

自是竹屋西
樵上來語

春述

柳星

明媚春光艷翠微翩翩雙蝶裊游絲去年此際蕭郎別回首河
橋事已非深院靜子規啼聲聲腸斷似驚疑樓頭風起楊花
捲飄入珠簾紫燕飛

似酒
邊詞

紅窗

賀裳

獨坐紅窗漏漸深。呖呖小犬吠牆陰。青娥暗解歸來速，先取名香熨繡衾。簾半啓，月斜侵。燈前含笑解羅襟。今宵一任幃中坐，不用私懷瞰浴金。

阮亭云：元微之小玉上床鋪夜衾，韓致光賡取君王幾餅金，合之雙美。

雛姬

樹影爐烟裊畫簾。銀屏閒倚小嬋娟。初籠蟬鬢宜花壓，未寫蛾眉待筆添。吹玉笛，弄絳絃。旋移針線繡床前。朝來春夢情騰處，正在花陰學簌錢。

黃公以宋人燈斜明媚眼汗浹情勝醉爲韻陸所不能着筆演出此詞更覺神

情飛動

偶成

孫纘祖

斜枕琴囊數落霞。新移水檻占鷗沙。溪童截曆初收藥，隣叟封泥晚護瓜。澆白酒，看黃花。安排風景當生涯。山僧剛載清泉到，折得松枝試芥茶。

曹松詩渾妙句入詞復佳

秋宮

計南陽

金井梧桐二葉秋。冰蟾滴水咽紅溝。支機石上光如雪，長信池中月自流。青雀舞，玉鸞愁。催教不待景陽樓。三千歌笑皆承寵，猶有蛾眉望玉鈎。

阮亭云亦如宮詞中之有龍標

閨咏

黃永

晚掠雲鬟上翠樓。腰肢嬌小不勝柔。明知無夢挑燈立，暗欲窺人趁月遊。新解恨，舊無愁。忽驚語笑却回頭。原來姊妹偏相

惹說起兒郎滿面羞。

余向贈艾菴詩云湘娥背目成夜半流輝紅開房盛翡翠班管如游龍可想見

其得意
是鄉處

新閨

朱實頴

南浦驚鴻賦洛神。床前銀燭照佳人。海棠乍濕胭脂雨。荳蔻輕翻蛺蝶春。百寶帳。隱金裙。綠楊鶯囀畫堂曛。合歡羅勝初裁剪。低喚卿卿細不聞。
既庭綺思。鮑發小詞。更其迴雪流風之致。

郊行

吳啓思

紫陌遙遙走鈿車。玉簫聲裏夢還家。人間一夜啼鶯老。驚起仙人夢綠華。雲一抹。水三叉。呼童閒立數歸鴉。不知曲徑誰家女。也捉溪頭齊菜花。

阮亭云不似人間語

冬夜

董以寧

欲與歡言礙小姑。捏歡臂上問寒無。由他燈火餘昏穗。推着衣裳過暖爐。交膝語。拍肩呼。歡言低處便含糊。小姑伴做癡呆態。故把歡言細問奴。
文友少時玉此爲書一聯于蓉渡日世皆欲殺真才子我見猶憐是美人使美人見此等詞決不解卿刀前抱也

春暮

孫以鐸

蝶麝沉沉燼未銷。流鶯學語坐烟梢。雨梳石甲龍孫路。風撲泥香燕子巢。開水榭。展雲翹。銀閨午倦捲鮫綃。閒庭忘却春深淺。夢踏殘紅譜碧簫。
阮亭云像小時賦柳枝亦有句云波浮碧藻金魚尾風墮紅翎玉剪巢

曉粧和戴九韶

任繩隄

纖手難扶半。整鬟曉風欲顫。翠花鈿牙梳掠鬢。雲邊月金鏡。觀
眉水底山。愁不語。念間關。爲臨南浦。一憑欄。傷心惹得。奴兒
墜。何處歸人。疊錦帆。

阮亭云。麗情綺骨。
疑是金荃後身。

燈前花影

董元愷

醒寫精神。醉寫容。柔枝無力倚簾櫳。視將皓月分肥瘦。籠得輕
烟別淡濃。青鏡畔。碧紗中。蘭膏燒徹。轉玲瓏。欲教移入羅幃
裏。好把紅缸照院東。

阮亭云。故
是縹緲。

虞山晚泊

錢理

碧嶼丹楓入畫圖。詩舫載月過姑蘇。人從古岸詢鰕。妾帆到平
沙。警雁奴。思越豔。聽吳歎。遣懷何處覓當鑪。寒烟遠浦。星明

滅棹向菰蘆問釣徒

明初席帽山人王逢有蝦蟆岸詩云在常熟

阮亭云作勿喜讀吳船錄山水

細碎處皆可助文心烘染如蝦蟆岸枯出便佳

遊西曲

鄒祇謨

彩雲隨處任風飄蓬山不與海南遙紅蕤授枕皆雙粲紫電投

壺每百嬌彈月磬奏雲韶天孫帝子盡來朝袖中碧玉新封

事願築銀河烏鵲橋

阮亭云揚子井作文蕭彩鸞圖有烟雲縹緲之狀不知視此何如

三五女伴

小閣香風縹紫綃女郎三女趁春驕紅么下子爭雙陸尺八低

吹和六么知有恨總無聊句裁金剪近今宵東隣姊妹都歸

去獨把朱唇暖玉簫

阮亭云畫屏金屋情事宛然

虞美人

春色

吳鼎芳

海棠不礙窗紗影。鬢嬋驚鵲。鵲領繡繡吹落。睡花紅。但覺餘香一點。
點。裊晴風。柳眠無力。輕烟惹。春色撩人也。舞衫閒搭。畫欄邊。
日暖融融。好個洗頭天。
阮亭云傳稱疑父游茗溪汎碧浪湖
入夾山漾風清月白苦吟清嘯往返
二十日僅得絕句一首。先輩
風流應不似。時流浪費筆墨。

同內人湖舫送春用秋岳泊京口韻

龔鼎孳

春光九十原嫌窄。閃殺飄零客。啼花淚逐水東流。且載銀樽綠
鬢盡情遊。千山疊畫吹紅霧。却改離亭路。長條攀折一番新。

囉付明年還傍可憐人

一在情深

倚聲初集

卷九 小令

法

禮佛

董斯張

救。闌。鸚。鵡。閒。相。殢。念。出。彌。陀。字。雙。行。纏。拜。梵。王。前。但。見。水。沉。香。
嫩。博。山。烟。餅。留。第。一。泉。來。供。花。散。黃。梅。凍。他。生。若。得。在。西。天。
願。與。蕭。郎。做。個。並。頭。蓮。

阮亭云與小青
稽首慈雲暗合

映水

不。曾。認。得。春。江。水。自。道。嬌。無。比。照。來。自。問。妾。如。何。但。覺。澄。波。爲。
眼。眼。爲。波。晴。濤。微。颭。釵。彎。曲。看。殺。心。難。足。君。情。倘。得。似。春。流。
也。有。玉。奴。眉。眼。在。心。頭。

阮亭云巧極無刻
畫之痕故是絕調

鏡

陳子龍

碧。闌。麝。錦。粧。臺。曉。泠。泠。相。對。老。剪。來。一。片。小。清。波。容。得。許。多。憔。

悴暗消磨。海棠一夜輕紅。何事教重見。數行珠淚。倩他流。
莫道無情物也。替人愁。

咏物至湘真真有
鏡花水月之妙

初夏閨詞

宋徵璧

小池吹縹緲。水紋淺。淡綠新荷卷。畫長人靜。翠屏閒。惟有多情雙燕。
畫梁間。香肌不用薰金獸。削玉身材瘦。瑣窗銀剪。一聲聲。
爲愛生綃疊。雪五銖輕。

阮亭云裁雲鏤雪
近在廣平一家

咏春雨

李雯

廉纖斷送茶蘼架。衣潤籠香罷。鷓鴣啼處不開門。生怕落花時。
候近黃昏。艷陽慣被東風妬。吹雨無朝暮。綠絲只欲傍粧樓。
却作一春紅淚滿金篝。

阮亭云得
春雨之魂

風情

宋徵輿

無星無月無風夜。香露襟前瀉。瓊牕寶線兩重重。忽透明燈一
線。玉顏紅。嬌花弄影愁經雨。怯盡當春舞。五更不語吐幽蘭。
此際雲深巫峽幾時還。

三無說風情幽倩之極○阮亭云神
光離合乍陰乍陽寫得悄恍不交

黃湖積霖正理歸棹

陳世祥

千紅萬紫剛裁就。花事家家有。惱人無奈雨和風。何日杏花深
處。月明中。鳴鳩不管人愁絕。鵲鵲頻頻說。春泥滑刺雨如簑。
況是風狂行不得。哥哥。

阮亭云用
會語幽致

村居

曹爾堪

綠楊青草春生處。疑有高人住。芒鞋不惜破蒼苔。爲看譚某日。

日倚筇來。依稀避世桃源僻。城市何曾識。茅廬也有貼居隣。
剛是半移耕。叟半漁人。
後人當有問津者

燈下題書尾

賀裳

紅燈攤罷挑金穗。殘墨磨清淚。想伊此際正歡娛。又倚曲欄深處暗長吁。
心期難倩人傳說。那更鱗鴻絕。綠楊紅杏是儂家。
倘有夢魂來訪。莫爭差。
阮亭云幻豔

春曉

沈際飛

堦前嫩綠和愁長。坐憶眠還想。飛紅破夢似相憐。起望小林殘夢損容顏。
雙鶯又向愁人絮。春也知歸去。箇人只是不歸家。
生却楊花。心性落天涯。
阮亭云濟南女郎琅玕有句云自憐身似楊花願向天涯情死與此語同

意反各
極妙致

賦虞美人花

魏學濂

君王羞見江南苑。何事儂來此。最悲亭長古人風。載得一般紅。
淚過江東。江東父老深憐我。栽得千千朵。至今留取好容顏。
爲問重瞳。却復向誰看。

阮亭云本自涼
壯寫得悽艷

前題

卓人月

大王絕世之英。勇才子而情種。悲歌數闋。羽聲高。那得紅顏不。
隕。尚須刀。史遷更不書姬死。剩與評花史。要之虞也。幾曾亾。
試看情條意。蓋萬年香。

太史論贊○阮亭
云剛宜大書特書

前題

劉芳

花開花落興亡譜。露染嬌啼乳。可憐亭長載孤舟。不載名花一
網付東流。桃源不遠漁津口。寄得一枝否。後人倘有問津來。
說箇不知有漢亦悠哉。

阮亭云偶然
巧語解人頤

前題

徐士俊

崔家處士園中見桃李芳魂現。可曾邀汝作花王。趣此月明風
細說興亡。雅州一望漫漫路。是蜀而非楚。波心菜也解含愁。
難道花開花謝不知愁。

奇想
層出

前題

董升

東風醉舞嬌無力。不吹人顏色。爲誰紅雨滴年年。爭似漢宮楊
柳日三眠。花飛夜夜鶯啼曉。一樣春容好。帳中倉猝別離卮。

願得移根長傍合歡枝

咏物木色語○此題浙東諸君作者各有十首爭奇闘巧甚者如薛能唐

彥謙別紙亦龍子爲快筆集故不多載以見詞詩詞論俱非本色至處

王正四日雨

計南陽

東風昨夜梅花瀉○又送春來也○鷓鴣啼去○夢難成○却怪一聲帶雨○一聲晴○相思只盼金塘滿○嫩柳青還淺○從來風雨舊西樓○偏我春魂銷○此最難收○

流商激楚音調凄然

楊白花

春宮一去無消息○紫燕空如識○當年婉轉上林枝○回首那堪風雨鳳凰池○秦關蜀道知何處○杜宇聲聲暮如何○流水也無情○不放浮萍一點到江城○

阮亭云不減柳州哀歌未斷城鴉起

席前贈歌妓

徐石麒

狂奴不愛杯中酒。只愛擎杯手。殷殷小語聽鶯聲。說道一分清。
酒十分情。新歌半折香喉媚。消得今朝醉。摩娑倦眼向人時。
那更笑持紈扇索題詩。
阮亭云。條最喜女郎姓青蛾。詩當爐小婦半遮面。一勺清泉能醉人。與此詞一說盡一不說盡各有其妙。

晚思

韓范

曲雲飛盡寒南浦。愁絕西陵路。斜陽半落暮山紅。簾捲一天新。
露。畫樓東。蘭閨淚落沾金縷。不鎖情來去。可堪回首又西風。
今夜相思千里月明中。
一簾晴雪捲楊花。可與簾捲句並傳。

憐病

尤侗

病魂纔別書帷去。又借香奩。任恹恹瘦骨。怯春紗。猶向藥烟影裏。問殘花。曉來強起粧臺立。攬鏡愁眉窄。待兒且罷掠雲鬟。恐怕春風多厲。不勝寒。

深怜淺惜如在筆端○
阮亭云似還魂記中語

訪譚玉芝較書值曉粧未罷

黃 永

飛瓊小字誰拈破。何事人間墮。春禽幾度喚難前。又怕東風且下水晶簾。青螺未挽濃雲鬢。香入菱花小。知伊新恨在眉頭。只是對人強說不曾愁。

阮亭云諱
處正深

有懷

程光禪

床前燭與燈花話。夢索將離債。去年正是這般時。正是這般時。候強支持。而今却恨無雙翼。直恁難將息。破窗風咽若爲呼。

風咽若爲呼我字含糊

疊句法聲情頓挫獨絕○
阮亭云寶家機上之餘巧

和李後主

王士禎

杜鵑庭院春將了○斷送花多少○幾層楊柳幾層風○總付銀屏金
屋夢魂中○令歡枕上香猶在○好夢依稀改○迴環錦字寫離愁○

恰似瀟波不斷入湘流

瀟湘字破用佳○舊思榮
迴如春路遊絲悠飏空際

本意

拔山蓋世重瞳目○眼底無秦鹿○陰陵一夜楚歌聲○獨有美人駿

馬伴平生○感王意氣爲王死○名字留青史○笑他亭長太英雄○

解令辟陽左相監宮中

史記呂后以審食其爲左
丞相不治事令監宮中

陰陵二語
足令憤王

氣盡亦令

憤王氣長

春景

王宗蔚

東風。菜。芷。平。川。繡。鬢。影。庭。陰。瘦。梨。花。搖。蕩。小。池。塘。回。首。流。雲。如。
夢。墮。蘭。房。瑤。臺。碧。樹。籠。烟。霧。門。掩。櫻。桃。暮。淡。黃。垂。柳。拂。金。屏。
早。被。艷。陽。零。亂。玉。釵。橫。

阮亭云若顏曼
聯絕世獨立

鏡

陳維崧

起。來。炯。炯。星。眸。曉。隔。着。銀。屏。悄。菱。花。斜。照。玉。容。清。分。付。一。江。紅。
淚。點。春。冰。繡。簾。顛。倒。傷。春。懶。惟。悴。羞。伊。見。朱。屏。半。啓。怯。梳。頭。
最。是。碧。澄。澄。處。費。疑。眸。

阮亭云朝淚鏡朝夕淚鏡沒被
陽羨生一江紅淚九字括盡

臨風寄語

董以寧

花。陰。空。覆。鴛。鴦。痕。寒。入。紅。衾。凜。早。知。好。事。付。秋。風。何。似。當。初。索。

性不相逢。聞伊別後思量意。竊自沾沾喜。累伊憔悴。倍心傷。
又望伊家。索性不思量。

阮亭云言情處入木三分

擬艷

沈雄

眼期心諾。常凝佇。簾幕深深處。花間鸚鵡。杳無聲。祇恐添香送。
茗有人行。橫波斜覷。金釵溜。不耐和羞走。偶擡皓腕。挽濃雲。
又罵春風。吹動石榴裙。
非有情人
泣寫不出

答索扇

鄒祇謨

玉奴立向風前倦。自把新團扇。上圖蛺蝶下鴛鴦。但願從今懷。
袖。鎮雙雙。宵來莫把流螢撲。長羅紉輕薄。權教收拾避秦箏。
不道許多冷。暖到紅樓。
阮亭云程邨答索粉索扇諸闕
風流漪媚覺前人十索未工

劉文

俞彥

悠悠碧海青天遠。目極愁山淺。畫眉人去恨恹恹。挽惹嫩絲垂柳舞前簷。疑銷漸燼芳蘭麝。掩淚亭臯下。月隨雲澹晚窗晴。柰可懶粧濃鬢黛眉輕。

是從若蘭機上來者

玉樓春

一名惜春容

秋怨

沈自炳

盼盡玉郎離別處。空剩紫騮芳草路。年年同嫁與東風。只有小樓紅杏樹。愁病恹恹魂欲去。一霎芭蕉寒響聚。空嗟薄命玉容人。值得數聲秋夜雨。

阮亭云絕唱掩卷讀之以爲今人者鮮矣。○誦未句忽令人憶阿甥昭齊

瓊章君庸婦倚倩

當年欲爲淚墮

秋思

李 斐

西園剩有黃花蝶。南浦驚飛紅杜葉。秋來獨自怕登樓。間却吳
綾雙素襪。亂鴉啼起愁時節。料峭西風渾未歇。兩行銀葉十
三絃。彈破梧桐梢上月。

阮亭云
古艶

密怨

程 爵

霜風簾外吹衣薄。寒月侵人來綉閣。昨宵喚恨幾多般。今夜燈
前渾付却。雙雙紅淚君邊落。我不負心君也莫。從前負我百
千回。難道從前都是錯。

此魯直最得意處不
善學者浸成巷曲矣

補辛稼軒山陰索酒

馮達道

從教最箇侵殘雨。只望杜鵑紅影去。茅簷當水不爲村。山鳥喚

人方得路。幽情未肯聯詩句。爲乏酒。鱸。醉處。憑將折東寄。
詩。寮。乞。取。台。符。移。趙。部。
補稼軒卽似稼軒當不爲岳亦齊所指

閨思

計南陽

子規啼遍楊花路。緘。淚。雨。情。無。寄。處。君。如。南。浦。往。來。潮。委。似。西。
陵。朝。暮。雨。當。年。祇。恨。傳。金。縷。何。必。相。逢。成。別。苦。夜。深。蜀。國。十。
三。絃。紫。女。青。皇。私。自。語。
阮亭云如潮似雨本前人所有暗用絕妙

踏青

沈雄

誰向禠祠深處倒玉。柔。花。醉。春。殘。了。此。時。春。夢。落。誰。邊。天。便。有。
情。人。漸。老。草。繁。羅。襪。蒼。苔。遶。花。觸。金。丸。紅。雨。少。朝。來。生。怕。倚。
闌。干。滿。眼。離。愁。歸。合。早。
花觸金丸故是麗句偶僧自運如此竹窗箋體當不下玉林也

木蘭花令

寒食

陳子龍

愁殺。怱怱春去早。又恨恹恹春未了。羅襪痕輕。映落花。玉輪碾處。眠芳草。當日香塵歸後杳。獨立斜陽人自老。不須此地。怨東風。天涯何處。消魂少。

阮亭云無地避消魂良亦苦矣

代客答女郎

李雯

角聲初展。愁雲暮亂。柳蕭蕭。難去住。舴艋舟前。流恨波。鴛鴦渚。上相思路。生分紅綬。無人處。半晌金樽容易度。惜別身隨南浦。潮斷腸人似瀟湘雨。

阮亭云此潮此雨與計子山競妙然下句自妙于上句

曉景

賀裳

簷牙微雨瀟瀟滴。驚起朦朧窗半黑。潛歸私喜没人知。只愁去路香泥濕。行來屐齒傷蒼碧。歛袂迴觀心暗惕。那知宿鳥恰翻枝。亂紅飛下遮鴛跡。

阮亭云爲復寓言爲復有謂何文心遂至于此

步蟾宮

秋意

曹爾堪

木犀香吐金英細。碧水畔金風如洗。高樓一夜對嬋娟。髣髴在廣寒宮裏。疎風淡漢無纖膩。坐漸覺露華微泚。蘋桐葉底關鵲。鵲空攪亂花陰滿地。

如陳道復寫生一花半葉自能傾動群類

倚聲初集卷十

武進鄒祗謨程邛

全選

新城王士禎阮亭

海鹽彭孫適金粟叅閱

小令十

南鄉子 第三體

咏牆外春

王衡

午日。暈紅椒。流白天絲任意飄。酒幕香車東去了。聊蕭燕子。啣
花坐淺巢。茂苑更春饒。柳葉蘆芽月滿橋。席底人人應念道。
櫻桃。剩得鶯殘雨。又敲。杜詩楓樹坐猿深。又一坐字通。
黃鶯並坐交愁濕。首生色。

莫愁湖櫓括林初文詩

俞彥

湖上好花株。花好花殘總是奴。夫是沉沉湖底月。虛無一在蕭
關一在吳。愁月月全孤。說與愁花花向隅。愁月愁花愁欲死。
糊塗是誰題。作莫愁湖。

阮亭云僕在秦淮亦有句云年來愁與春潮滿不信湖名尚莫愁

憶舊

熊文舉

秋色集颿檣。一帶傷心路渺茫。記得郵亭曾繫馬。斜陽人在紅
樓倦晚粧。往事隔星霜。門巷悵悵砌草荒。崔護重來應不改。
淒涼燕子呢喃話短長。

倚迂往復寄托自深

宮怨用雪堂韻

龔鼎孳

槐影落宮牆。寶瑟瑤笙恨杳茫。負了多情簾外燕。昭陽不見臨

春鏡裏妝。月裏問懸霜。遺后臺邊鈿粉荒。玉漏不知金井換。
悲涼只記長門一樣長。

融少伯仲初爲
一手宮怨絕調

子閒納雙寵戲贈

錢繼章

茉莉晚涼天。角枕橫施壓髻蟬。郎似西陵潮有信。誰先妾似初。
生月半弦。旖旎若爲憐。不辨巫峯與維川。妾似芙蓉花上露。
誰妍郎似荷珠到處圓。

阮亭云舌上
有青蓮花

冬閨

陳子龍

花發小屏山。凍徹胭脂暮倚闌。添得金爐人意懶。雲鬟爲整犀。
梳玉手寒。儘日對紅顏。畫閣深深半掩關。冰雪滿天何去也。
眉彎兩臉春風莫放殘。

湘真詞意長于筆每一調
中定有數致語可供沉諷

春寒

小院雨初殘。一半春風繡幕間。強向玉梅花下走。珊珊飛雪輕狂。點翠鬟。淡月滿欄杆。添上羅衣扣。幾番今夜西樓寒欲透。紅顏。黛色。平分凍兩山。

黛色句雕琢極矣而無刻畫之痕

花朝鄉思

吳剛思

風雨一聲消。淡日收寒染柳條。又是鵝黃芳草綠。東郊群鳥啣晴出小橋。菜麥長新苗。天外風箏聲漸飄。猶記故鄉遊冶處。花朝杏煖。紅樓絕樣嬌。

孟載雅麗修蟾清婉花朝詞中敲手

秋病

宋徵輿

霜露染空簷。冷透羅衣著意添。扶起倦魂如帶夢。厭厭倚枕看。

人開鏡奩。愁過小眉尖。忍不傷秋病。又兼更有一番腸斷也。
纖纖淡月黃昏。風滿簾。暮病態。入情描風繪影。追魂瀝魄之筆。

冬閨

李雯

斗帳欲溫香池上。水紋樓上霜半。顰綠雲無意結。思量翠袖深。
深玉指長。斜日又西黃。匿窄銀屏小洞房。折得梅花和影瘦。
清涼簾外風高。斷雁行。不言冬閨而寒意自足。僕有絕句云。
金筋撥灰閒對坐。怯寒猶自倚熏籠。

自憎寒態矣

客中

于儒穎

容易抱離憂。更被無端惱未休。何日西窗同剪燭。從頭訴與閒。
宵淚暗流。猶自強淹留。魂斷須知不自由。便道相逢還有恨。

溫柔相守何妨日日愁
阮亭云與龍輔同
戶恒相憶并妙

冬景

賀裳

簪禪伴寒扉雪壓紅樓睡起遲
窗外蠟梅香暗遞開扉自摘侵
簷半綻枝檀板倚金卮
醉索蕭郎另譜詞頻向朱唇呵象管

相貼不覺霜毫染口脂

阮亭云香奩佳事未經拈出○想張
麗華在望仙閣上用羽紅小箋試東

郭魏毫筆答江令璧
月詩時有此光景

秋窗獨宿

李昌垣

風急透疎櫺翠帳香消夢乍驚
獨擁寒衾疑是客淒清露冷桐
花月滿庭四壁亂蛩鳴古寺鐘聲
半夜燈偶憶舊時今夕約
傷情起弄秦蕭曲未成
宛宛清清
聲情漸宕

初夏綠陰可愛庭宇幽閒得一首

曹爾堪

浴水燕飛忙。門外長溪碧繞塘。柳暗柴門遮屋角。隣牆。又見梧
陰過草堂。風動落花涼。樹樹新濃罩曲房。中有烏巢渾不見。

鷓鴣藏爲乳雙雛覺晝長。

阮亭云輒作義
皇上人之想

冬曉

賀裳

鸚鵡嬾梳翎。巧學人間喚小名。昨夜蠟梅花凍了。零星纖手敲
冰出膽瓶。初旭暖芳屏。卷幔重重酒半醒。枕上高吟詩句好。

消停惹得鴟鬟閣繡聽。

阮亭云想見
鄭康成家婢

春愁

尤侗

紅雨曉闌珊。寂寞梨花淚未乾。飛絮滿庭人倦起。偷憐。盡日鵲

鵲話夜寒。巫峽夢雲單。懊惱春光一半殘。索性閉門推却去。
孤眠獨讓東風自倚欄。
與小閨罵春風一
愁一怯各見婉媚

春雨

計南陽

鵲尾屏香消斗帳。芙蓉憶夢遙。暗裏春光拋擲也。瀟瀟十里銀
塘接暮潮。聽去最蕭條。簾外梨花盡日飄。蝴蝶欲來來不得。
無聊閒把心情付玉簫。
紫簫吹去翠羽浮來
未免有情誰能不嘆

初夏

曲院午陰長。槐柳高疎小簾涼。盡日蝦鬚垂不卷。飛揚乳燕雙
雙玳瑁梁。往事暗思量。紈扇渾疑漢殿香。誤我春光三十度。
心傷兩點青蛾鎖夕陽。

夢淒戚戚如

聞鳴咽之音

村行

陸淮

迢迢水雲鄉。飛落西風樹葉黃。幾曲板橋人過少。斜陽。嘶嘶蛩聲徧草塘。禾黍晚烟涼。一字寥天雁影長。徑竹籬花村步遠。幽香家在青帘酒舍旁。

竹籬茅舍芒鞋藤杖一
甌一勺幽景恍然在目

咏闌干

陳維崧

玉樹颺西東。染就胭脂帶雨濃。爲近朱樓常墜水。溶溶。早被湘文覆冷紅。人靜繡簾重。門外金鞭信不通。不敢望人依翠袂。朦朧。殘月多情伴曉風。

阮亭云爲近朱樓常墜水寫照妙絕
殘月曉風一取錯綜便使柳七不得

獨握

春夜客荆溪飲落梅下聞笛聲作

史鑑宗

過雨破同雲、新洗天邊玉。一輪淡點玉樓開、玉扇無塵、玉笛聲中倚玉人。一色玉光勻、酒盞風流起、玉鱗。可惜玉枝剛瘦盡、紛紜滿地餘香展玉茵。

疊用玉字似簡文春日詩

西湖感舊

鄧漢儀

多感是蕭娘、蘇小墳頭擁畫牀。更有柔條風裏見、梳粧引得吳兒愛、夕陽誰使訂鴛鴦。一別嚴灘脫繡裳、曾向板扉通姓字。蒼茫魚磬依稀出粉牆。

阮亭云引得吳兒愛夕陽無端入妙

踏青

陸凝

花撲曉窗明、粧淡春濃不奈行。蝶翅簌晴香力軟、輕輕纔下芳堦、拂鬢迎。拾翠舊遊程、紅豆曾拋柳外鶯。深院誰家烟樹隔。

亭亭吹出鞦韆笑語聲

阮亭云簌晴甚新

閨曉

王士禎

小婢弄香奩。宮餅籠中幾個添。細雨如塵人乍醒。纖纖榆莢綻。牆水半淹。曉滿報瓊籤。鵲驚寒促下簾愁。鎖眉峰。慵對鏡。

厭厭空說吳娘笑。是鹽

前人詩云。顛狂楚客歌。成雪娥媚吳娘笑。是鹽。

詞統評弁州甘草子詞云。

元美豈終日無事。將精神時時于情。飽上體察料理。乃參微入。窺如是。今阮亭原情。晰景。更加精透。豈亦終日無事耶。

鵲橋仙

第一體

一名鵲橋仙令

又廣寒秋

七夕立秋

葛一龍

月眉新畫雲衣初剪。無暑香肌似洗。七襄機上帶秋來。借一葉梧桐報喜。星滅炎光。河增金氣。烏鵲橋成還未。人間只說隔。

年○期○天○上○是○隔○宵○而○已○

老手不作艷語泰
黃雨詞選其超流

晚霽

吳偉業

園林晚霽池塘新漲。明月窺人飄渺。萬木陰森穿影過。驚噪起
一○群○山○鳥○。纖雲暗度。銀河斜轉。露濕桂花香悄。少年此夜不
須○眠○把○鐵○笛○橫○吹○到○曉○

阮亭云祭酒長調極意
稼軒此處乃似東坡

樓晤用向薌林七夕韻

龔鼎孳

紅牋記注香麝。勻染生受。綠蛾初畫挑琴擘。阮太多能自寫影。
養花風下。月低金管帶飄珠。席兩好。心情嬌罷。芳時不慣是
烏啼願一世小年爲夜。

阮亭云詞至此是追魂攝魄手段
公擅詩柄又欲抽秦柳五花簾耶

感悟

董斯張

名姬駿馬劍花書。鹿都交付芭蕉聲。裏十年強半白髭鬚。只破
屋數間而已。兩頰紅纓。一床蘆絮。吸盡西江之水。閨中教我
覓封侯。笑謝印。卿其休矣。都字善學辛稼軒。○阮亭云。選周
如李長吉。嘔出心肝乃已。觀伏枕啼血。猶日鏤鉢腸胃正。
卽此闕何減渭南老人。

代寄修微

夢咽金屏推。顰眉雁。閑坐孤山。杏雨水仙祠畔。那人逢剛認。做
梅花一樹。楚客秋招魂。粘葉去。曲罷湘靈無語。小孤山占大。
孤青問。何似鹵泠舊路。阮亭云。草衣道人。有潔癖。山水癖。往
往扁舟往來苕霅西湖之間。水仙祠

昨十四字孤冷
閒觀可謂傳神

別恨

李長蘅

孤燈未了、珠簾初下、惱煞舟人催破多愁。不耐五更寒、又數着、晨星幾箇。銀河欲沒、金雞又度、漸覺輕裯難臥。縱然寄得一行書、有幾許、雲山折挫。

丁寧款曲楚楚可憐○阮亭云好

七夕

黃永

雲幃乍捲、月窗初飾、想是相逢時節。一年三百日、相思相會、面依然羞澁。今宵迎晤、明朝送別、烏鵲橋邊獨立。不如索性學、姮娥拚、夜夜廣寒孤寂。

阮亭云義山詩姮娥應悔偷靈藥得非羨織女黃姑耶

七夕

尤侗

玉鈎畫燭、金風簫鼓、迎送鵲橋雲雨。鴛鴦債欠許多時、着意去、今宵重補。才郎乞巧、佳人穿縷、疑絕不知甘苦。夜深紫府塵

雙濃那聽得人間私語

觀此則乞巧文與返乞巧文真屬多事

清明

彭孫通

烟蕪瀉浪晴川鋪練。一陣風來吹皺。韶光百五禁烟時。又過了幾番花候。天桃染暈垂楊添線。萬點春光泄漏。口噙紅豆寄多情。爲誰把相思嘗透。

紅豆名 阮亭云雙關妙絕 相思子 齊梁樂府之舊

催高蒞若赴吳茵次長安甥館

宗元鼎

春波似碧春光如繡。好看長安桃李。又云攀得桂花枝。方步入姮娥宮裏。三條燭盡八叉韻就。早賦鳳樓蕭史。倘詢月下檢書人。說催促溫郎才子。

王昂榜下催粧詞云行到紫薇花下 悟身非凡客蒞若以復檢書人何如

催粧客到賣花人到都說何郎如粉闌缸燭裏乍偷看幾欲賜
閨中湯餅呼郎新字怪郎新字抄襲眉山因怎鴛鴦社裏面
分題纔信道才名相稱

阮亭云此新婦殊可畏

客懷

鄒祇謨

輕煖輕寒不晴不雨辜負韶光九十落花飛絮兩無情仗千人
遊絲作合塗抹東西飄零南北從此仙舟一葉夢回始覺未
歸人恨一點窺人明月

阮亭云片幅中極才人之致

雨中花

第四體

咏美人剖蓮

趙進美

百尺寒泉清午暑喜色映銀盤堪數看綃帶猶存碧房初破紅

甲。擎。水。乳。微。動。金。鑲。嬌。不。語。剩。嫩。惹。猶。存。青。纓。試。戲。取。郎。喚。
回。眸。一。笑。應。識。中。心。苦。
阮亭云鑲括樂府極是天然

海棠

周季琬

欄。外。濕。紅。嬌。欲。滴。多。因。睡。足。渾。無。力。看。徑。字。青。齊。池。紋。綠。皺。猶。
有。輕。寒。逼。最。妬。朝。霞。分。艷。色。任。暮。雨。絲。絲。如。織。歸。燕。啄。餘。香。
阮亭云謂花鳥無情吾不信也

春暮

魏允札

春。事。闌。珊。春。意。惱。生。怕。是。情。花。語。鳥。看。桃。浪。流。紅。柳。烟。凝。綠。枝。
上。青。梅。小。踏。遍。東。風。城。關。曉。數。不。盡。中。綦。衣。縞。便。恨。惹。遊。絲。
情。縈。飛。絮。沒。箇。人。知。道。
雨送閒愁烟絮孤悶是末三句意境

夜行船 一名明月棹孤舟

本意

董以寧

青雀舟來新水瀉。正懷人、嫦娥欲下。慧山浜裏，黃埠墩前，游子最宜今夜。隣舫蟬紗窗亞。亞風過處，微聞蘭麝。又還聽、說月華將近，多半倚欄看也。

一氣如話喜
其不近元劇

春去也

春怨

陳世祥

怪來春不知人聚。知道將歸收拾春同去。可憐全學薄情郎。處處園林留不住。只有蝶兒相顧。幾朵落花猶護也。應念著寂寥人時常一到簾前路。

無聊語偏
說得有情

採蓮子

次皇甫松韻

張杞

曲苑新粧照綠波

舉棹

池塘睡鴨出遊遲

年

棹歌碧沼秋容倩

舉棹

驚起雙雙白鳥兒

年

六月芳堤冷覺秋

舉棹

巧姿佯笑翠如流

少荷珠滴盡芙蓉

舉棹

紅褪香銷看欲差

年

與皇甫松
工力悉敵

河轉

一名河傳十三體

調粉餌餵金魚

鄒祗謨

初霽梅雨紫苔綠
荇小山曲渚丹魚
饑矣搓得粉香半
黍向清

波付與
防他翠鳥輕沾羽
雙鬟語種箇芭蕉
樹細數紅鱗小

燕爭泥墜處惹雙
雙遁去

阮亭云體物妙處從
柳子厚小記得來

醉落魄 一名一斛珠

九日

劉榮嗣

秋光深也。要歸歸去。何時節菊。花開得愁心絕。誰插茱萸曾否。思量者。

叶

孤衾不耐更深咽。蕭疎樹影窗前送。此時有夢歸。

新月小。坐西軒。細把離懷說。

阮亭云司空忠而被謗三年請室故寄託多牢愁佗係之詞

題芍藥用張于湖韻

熊文舉

圓紅蘸綠。一抹明霞嬌似束。等閒莫遣眉嬋蹙。愛惜金鈴怎禁風。靈毒。相思銀燭高燒燭。闌珊舞破山香曲。重來暗記題門熟。點碎蒼苔尚有凌波蹴。

押險韻風致天然山谷于湖來當以二侍郎稱最

前題

龔鼎孳

勾朱襯綠碧闌干。瘦繁香束。楊妃印酒。春山蹙。央託金鈴。迴避遊蜂毒。沉香亭北。嬌姿獨。明霞籠定。胭脂曲。東君着意。悵悵熟舞罷。留僊繡襪。當風蹴。

字字險麗
巧不費力

春閨風雨

陳子龍

青樓繡句韶光一半無人見。海棠夢斷前春。怨幾處垂楊不耐東風捲。飛花狼籍深深院。滿簾風雨。鑪烟篆。黃昏相對殘燈面。聽徹三更玉枕。欹將遍。

宋披香閣中有玉牌鐫宮人詞云
一把柳絲收不得。和風搭在玉闌

下直與幾處垂
楊二語參看

春閨風雨

花嬌玉暖。鏡臺曉拂雙蛾展。一天風雨。青樓斷。斜倚闌干。簾幙

重○重○掩○紅○酥○幾○點○櫻○桃○淺○碧○紗○半○掛○芙○蓉○捲○真○珠○細○滴○金○杯○
軟○幾○曲○屏○山○鎮○日○飄○香○篆○
鍤金珠玉中自有
真色生香之妙

望月

趙進美

木○岸○小○院○碧○雲○夜○靜○孤○輪○滿○亂○紅○送○影○湘○裙○展○六○曲○屏○山○翠○幙○
深○深○捲○麝○塵○襪○薄○苔○痕○軟○畫○樓○咫尺○清○光○遠○水○沉○香○盡○歸○仍○
嬾○繡○被○人○寒○不○共○金○鳬○暖○
何必辟寒犀
始有暖氣耶

春閨風雨

朱徵輿

無○人○到○處○未○開○紅○杏○先○飄○墜○遠○烟○著○樹○生○千○縷○掩○映○窗○紗○不○見○
相○思○路○落○花○難○向○金○溝○任○一○江○紅○淚○流○將○去○鷓○鴒○聲○急○催○天○
暮○料○得○黃○昏○枕○底○愁○無○數○
阮亭云卷獨得
惜宋妙于陳矣

晚景

程 穉

平蕪坐燒高低一帶連。殘照林疎葉。黦經風耗。短笛橫吹。牧子騎牛到。歸鴉次第爭樓噪。荒陂古寺寒鐘報。漁村晚市谿聲闊。薄暮柴門一杖開。支眺。

阮亭云

開澹

寒食

計南陽

烟輕霧弱。新梳燕尾。叩花掠梨雲。黯淡隨青幕。薄綺疎檣獨倚。瑤池閣。關雞臺畔。何消索。鞦韆影裏紅塵薄。香泥玉勒聲飄泊。烏啼人散。細雨櫻桃落。

阮亭云。予山詞別有香氣。前身當從衆香國中來。

閨情

張天湜

幾番疎雨寒威入。早欺金縷。閒遮繡幕。圍顰顰鵲。架上沉吟欲向。

愁人語。旋弄秦箏移雁柱。重重幽怨翻新譜。一經春去花無主。記得年時碧草迷南浦。

昔人詩云鸚鵡前頭不敢言如此沉吟差堪共語

踏青

吳綺

啼鶯聲喚垂楊吹得青條亂。雲烘曉色陰晴半。正好閒遊油壁西陵畔。鬪草園亭招女伴。藕絲斜露黃金蒜。踏青鞋子遮人換。猛避兒郎錯教桃花絆。

細碎情景寫來如見

春日卽事

錢華

曉簾紅濕苔痕點點粘。遊屐賣花人叩柴扉急。試問誰耶帶雨提花入。床頭自笑纔羞澀。生前應與花相識。逢春漫把春風擲。烟草淒淒盡是愁中客。

與陳仲醇帶雨拖泥花辨埋雙屐並稱幽艷

讀天寶遺事

王士禎

風流堪惜沉香亭下雙鸛鴻長生殿裏如膠膝別院梨花偷試
寧王笛。漁陽戰鼓驚相通馬嵬古驛羅衫濕秋槐落盡空凝
碧殘月華清何處人行跡。唐人詩行盡江南數十長生殿裏
程殘風曉月入華清三語微譏
冷諷不堪使三郎聞得然張
神李商隱華已公然誦言矣

閨戲

董元愷

鳥歌花舞倦人天氣槐陰午悶來自照春山牕却有誰過花下
呼鸚鵡女伴相携入四五圍完芳草翻棋譜愁時笑拔金釵
賭些事關心輸却釵雙股

贏了便覺典盡輸却可思○阮亭云直得雙金所謂敗亦可喜

春閨

徐然

繡幃清曉粧成斜貼花鈿小背人細語聲傳悄懊恨東風何事
吹春早曲曲花欄香逕遠含情頻向花前笑黛眉欲闌春山
巧笑倩郎捕回就郎身抱

遣情運句自然流倩
以擬南唐思過半矣

席上

黃京

朱粉粉弱羅香滌拂新梳掠撩人全在與人謔酒沁紅腮強把
金尊却秋波偷送今宵約芳情又怕人知覺乍涼不耐衫兒

薄佯拍伊肩倩剪燈花落

與刻雲間催唱新詞不
應頻搖手意態宛然

梅花引

一名貧也樂

病蝶

張翥

曉雲空曉烟濃樹底殘香葉底通落花紅落花紅睡損棠梨芳

心一片。粉香褪後。班衣折。漆園好夢憑誰歇。病何從。病何從。不爲春傷多。因團扇。風如風。羞雨故宜有此。

夜遊宮

雨中歸棹

宗元鼎

百里桃花盡落。嘆細雨斜風輕薄。堤上人家休掃却。一枝枝向愁腸消寂寞。村酒筵窗酌。空望絕江天漠漠。柳絮無情柳帶弱。又黃昏路難行何處泊。滿地落花閒不掃。當爲我輩暫消寂寞。

河傳 第十四體

夜聽禱衣聲

鄒祗謨

溶溶白月環環紫蜺紛紛翠雪萬斛臙脂瀉拚一色銀河擣清

砧聲續絕。金魚鎖斷。一似繁箏急。又似愁蠶噓。戍管梅花癡。
龍渴鳳孤飛。怨涼蟾星欲滴。

阮亭云銀床金井如聞其聲

踏莎行 一名踏沙行

繇黃牛峽至淨江途次作

俞彥

一水盈盈親朋久待。那知尚滯黃陵界。楚天盡處是夷陵。黃陵
又在夷陵外。人鮮甕甜鬼門關隘。虎頭狼尾灘形怪。夷陵盡
處是黃陵。淨江又在黃陵外。

阮亭云兩結語呼應章法絕妙

中秋

劉榮嗣

何處鐘殘。誰家杵急。堦閒露冷風蕭瑟。浮輪盡掩月輪孤。明河
半減。長空碧。蟋蟀微吟。秋棠暗泣。衰翁無語搔頭立。可能乘

與上南樓還將一醉酬今夕

彙盧德水評司空詩云有一種異香非沉水非迷迭如石如玉

不烟不火讀此詞亦復淡寫空描花明玉淨昔人謂陳簡齋無住詞語意超絕可摩坡仙之壘僕于簡齋集亦云

轉憶

張一如

轉憶千端都成一慨鶯花天外鶯花界桑苔空蘸蝶裙香淒風

不遑驚笙派怨滿尋歡多離覓愛鴛鴦牒上鴛鴦債恩情是

海已難填團圓似月猶教壞

月壞見盧仝詩

鶯花二句遙對格奇奇仄險刻詞中樵蛻也

送春

龔鼎孳

亂絲迷烟殘英墜雨東風不肯留春任問春尚未到天涯玉驄

只索花邊去

羅襪凝香紅茵沾絮春歸料是春來處黃鸝強

要訴花愁夕陽催上相思樹

春歸料是春來處多少送春詞都被一語抹却

九日登雨花臺

錢 棻

碎石依苔危沙養樹雨花却也如風絮蕭家天子聽經來而今
收登登高處古澗尋聲遙鐘引步幽人杖入天花路孤情延
望接荆吳白門自昔多烽戍

阮亭云下場頭事如此蒲之欲汨

春閨

李 標

硯點飛花簷沾弱絮爐烟小誤湘簾暮春風不解動人情人情
怕送春歸去細草粘天斜陽掛樹天涯離別人何處休休莫
更倚危欄遠山正是愁來路

神韻
令古

春寒閨恨

陳子龍

牆柳黃深庭蘭紅吐東風著意催寒去迴廊寂寂繡簾垂殘梅

落盡青苔路。綺閣焚香。閒階微步。羅衣料峭。鶯啼暮。幾番水
雪待春來。春來又是愁人處。

阮亭云春與人有何恩
怨此中索解人不得

秋雨

李雯

涼館清深。巧雲迷散。絲絲不斷如春線。傷心無奈。急迴風。桂花
暗落無人見。香稻低天。芙蓉踈岸。離離又濕江南雁。芭蕉清
聽。歷空堦。情人似隔瀟湘遠。

滿紙
秋思

早秋

徐遠

零雨初收。金波乍轉。搗衣雙袖臨風捲。銀床薤簟。陡生涼。遲眠
且撲流螢扇。草綠長門。荷殘別院。如絲情緒如雲亂。無端蟋
蟀響西堂。井梧葉葉關心顫。

阮亭云此顫字
與南唐競美

春寒閨恨

宋徵輿

錦慢銷香翠屏生雨粧成漫倚紗牕住一雙青雀到空庭梅花
自落無人處回首天涯歸期又誤羅衣不耐東風舞垂楊枝
上月華生可憐獨上銀床去

紫府參差青楓閒落
絕不似人間境界

冬懷

李昌垣

翠幕烟沉珠簾月小枝頭未雪梅開早凭闌無計遣新愁亂鴉
飛盡歸鴻杳霜杵敲寒風燈破曉漏聲滴盡鐘聲悄香殘酒
醒不成眠流蘇好夢天涯少

學士諸詞運澹思於釀彩古
人所謂蓮子結成花自落也

園居

錢、茶

涼雨新生竹稍微動簾前驚醒鸚哥夢小紅數點逗溪香殘陽

一抹閒漁弄。棄世君平灌園齊仲閒。驅烟墨元和宋秋懷窄。
窄浸林泉愁腸卻共雲山凍。

萬卷徒空一丘儘足。寒園但種千竿竹。蒼陰深處掩高參黃鸝。
叫遍山頭屋。壁挂稽琴村疑阮曲。白雲邀我同歌宿。幽花繞
砌不知名。盈門秋水添新綠。
兩詞善寫幽巖正如張蘆川與樂子謙倚笛相和時

秋思

郭輔畿

紅樹濃烟碧蘆瘦。響紗窗日映茱萸網。輕羅扇子怕寒蛩。伊來
入耳儂辭掌。珠露催涼金風薦爽。遊鴻窗外飛成兩。偏教入
骨有新愁。原來秋在心兒上。
谷署嶺南奇士詞有別致宜與琴張子有冰乳之令

春閨

王庭

曲徑迷苔小池明練春風誤入深深院飛來多半是桃花却教
相見羞人面怨徹銀箏香消金鈿池邊故故飛雙燕愁來只
自倚樓看闌干十二相思遍

阮亭推服方伯五言逼真韋左司此詞亦不下黃鳥幽蘭之什

長溪

朱 灝

雁盡平沙閒花落草長溪一帶秋枯了征雲幾縷樹頭黃蘆衣
月下臨風縞楓葉紅賒曉寒烏攪池頭本末天如倒山光半
响幻晴陰隔林送楚昏黃老

阮亭云宗遠調本纖險此差不惡

閨情

賀 裳

楚楚宮眉盈盈笑靨軟韃懶蹴心情怯行來窗下弄霜毫無端
揚得雙蝴蝶儼見猶憐郎知定竊密藏僻貯防偷奪待將人

靜體佳時調鉛細細添花葉

阮亭云大是林下風味

春閨

徐爾鉉

眼底根苗眉間活計一生膏盡開滋味啼鶯也似怕人愁
柳花飛過牆東去小雨淹春殘燈挑句關心斷夢尋無處朝來女

伴到窗前烹茶却懶留他住

阮亭云唐人無事合閒夢臨川曲料多情這夢兒還去不遠可

與微

雨倩花香風扶柳軟亂分春色無人管愁來日日上西樓湘簾
未捲斜陽晚酒壓羞眉詩牽淚眼相思忽到難遮掩人言路
遠是天涯天涯可比殘更短

阮亭云真少游矣

避地

沈淀

梧子猶青。楓林未赭。田翁爭候吹幽雅。山厨禾飯等胡麻。驚看
野燒殘陽下。院宇深沉。琴樽瀟灑。白榆歷歷真堪把。終南何
幸在人間。人間偏說終南假。是紫溪白
嶽中人語

寄曾道扶魏子存

王士禎

芳樹秦城春流蜀。棧巒叢西望愁無限。銅梁閣外杜鵑啼。嘉陵
江上行人飯。遠道繁紆春光婉婉。錦江魚杏淮南雁。去時楊
柳不勝鴉。青青又滿隋河岸。黃山谷黃雲苦
竹詞無此妥秀

秦淮清明

烟雨清明煙花上巳。樓臺四百南朝寺。水邊多少麗人行。秦淮
簾幙長干市。暮地愁來千卿何事。梁陳故蹟消魂死。禁烟時

節落花朝。東風芳草含情思。

樓臺四百南朝寺。從北牧之南朝四百八十寺。來化板爲活。見

鹽鍾之妙。○干卿

何事成語活脫

醉後作

屈子離騷史公貨殖。直須一石情騰。醉胸中五嶽不能平。何人解識狂奴意。修竹彈文。綠章封事。聊將筆墨供游戲。茂陵若問馬卿才。飄飄大有凌雲氣。

離騷貨殖並稱何等。鬼墨直須以酒澆之。

和雲間諸公春寒閨怨

芍藥紅酣。藤蕪碧聚。羅幃難把春寒護。知他何處送愁來。春來却是愁來路。鶯燕多情。芳菲易度。纔消幾陣黃昏雨。朝來不忍捲簾看。落花片片辭人去。

婉依圓倩湘真海閨諸君子亦當抽扇卷簾。

燕補新巢。花開舊樹。經時不到南園路。水精簾額。又斜陽風前。
陣陣飄香絮。已怕春來又愁春去。錦屏繡幙。留春住。爲誰倻。
慙爲誰憐。紅顏半是青春誤。

柳枝圓扇挑葉釵頭
當令曼聲以歌之

咏鏡

香壓彤奩光迎羅幌。圓冰背結。盤螭樣。一泓春水。碧如烟。誰教
移向粧臺上。脉脉相看。盈盈難傍。影娥池畔。憑欄望。粧成雙。
鏡照明。簾芙蓉。並蒂波間漾。

唐天游搗玉團香塗雲抹月之
句觀此清新便覺而日俗父

春半

楊大鯤

綠重平池。紅飛清晝。倚闌人別花時候。小桃無語。對人愁。垂楊
欲舞。和腰瘦。燕子初歸。海棠齊透。疎雲帶雨鳴鴛甃。重門深

鎖碧窗虛。去年春恨依然又。

阮亭玄清婉似六一居士詞中正派

春寒

陳維崧

翠掠天寒。蘭缸風細。梅花簾外閒還未。朝來春雪慣縈人。香綃
渾是無情思。金鴨誰溫。水沉空費。亂紅疊盡吳綾被。莫將春
恨倚高樓。樓高烟雨迷離至。

仙人每好樓居
常是忘情故耶

晏起

睡。暈痕微。香雲綠縵。羅衫慣落朝烟後。起來慵倚小屏山。玉葱
怕綰丁香扣。寶裊脂濃。翠衾酥透。一鈎紅襪生消瘦。強將春
恨捲流蘇。春光正到濃時候。

阮亭云其年詞如玉
樓金埒春色駘蕩

春閨

計南陽

曉閣深深。閒庭悄悄。巢成翡翠。人歸香輦。輕寒初透。越羅衫。梅花
開。傍妝臺早。荳蔻含芳。丁香結。小數來十二。闌干好。東風吹
起。玉人思。思長應似。堦前草。

阮亭云。猶帶羅裙色。青
青向楚人。妙未至此。

恨情

沈謙

竹葉香絲。蓮花金瓣。月華初滿。花頭綻。縱然端正。又風流。十分
好處。無人看。鈿盒難分。連環不斷。相思還寄。垂楊岸。前生果
是沒因緣。如何空積愁千萬。
縱然端正二語。是元十一所謂
無力情移。腕多嬌愛。歛躬非雙
文輩不能當此。○趙令時咏會
真詞云。端麗妖嬈。亦是此解。

初夏

周積賢

弱柳烟殘。小荷風定。金丸偏惹。桃花還背人。枝上晚鶯啼。與誰

立斜陽影。玳瑁簪橫。芙蓉帳冷。輕輕紅豈垂香井。滿樓粉
袖與尋春故將愁眼臨青鏡。

阮亭云影
字縹緲

還步

章惟

殘月窺窗曉。風吹褶小。闌干外深深立。綠茵斜印一鉤痕。蓮花
半。辨生苔色。梧影將寒。綺樓仍寂。一畚虛步差難入。今宵不
信妾曾來。香泥驗取。凌波跡。

阮亭云一鉤羅襪行
花陰之後故當有此

春暮

彭孫適

鶯。擲。金。梭。柳。拋。翠。縷。盈盈嬌眼慵難舉。落花一夜嫁東風。無情
蜂蝶輕相許。尺五樓臺秋千笑。語青鞵濕透。胭脂雨。流波千
里。送春歸。棠梨開盡。愁無主。

張子野不如桃李猶解嫁東風
詞筌謂其無理而妙金粟落花

二語愈無理則愈妙試與解人
參之○阮亭云通體正復蘊藉

小重山 一名小冲山 又小重山

重至金陵

龔鼎孳

長板橋頭碧浪柔。幾年江表夢。恰同遊。雙蘭又放小簾鉤。流鶯
熟。喚喚一低頭。花落後庭秋。蔣陵烟樹下。有人愁。玉簫凭倚
賸風流。烏衣燕飛入舊紅樓。

阮亭云今與陳朱旗亭
畫壁未知誰當擅場

憶昔

陳子龍

曉日重簾掛玉鉤。鳳凰臺上客。憶同遊。笙歌如夢倚無愁。長江
水。偏是愛東流。荒草思悠悠。宮花飛不盡。覆芳洲。臨春非復
舊妝樓。樓頭月波上對揚州。

阮亭云解識江南腸斷
句只今惟有賀方回

除夕

李雯

樓上低垂翡翠簾。玉鈎紅袖內。隱春纖。繡額初教綵燕添。梅信早檢點。鬢雲邊。香幙水沉煙。燈花凝絳蠟。不成眠。明朝春色上肩尖。須好夢。隨意卜金鈿。

讀此覺秋厓希儒除夕作俱邨夫子面目矣

宋徵輿

春流半繞鳳凰臺。十年花月夜。泛金杯。玉簫鳴咽畫船開。清風起。移棹上秦淮。客夢五更迴。清砧吟塞雁。度江來。景陽碧井斷蒼苔。無人處。秋雨落官槐。

阮亭云亦是極致

美人

王宗蔚

風動琅玕羅袖輕。紫鸞初繡罷。悄中庭。鳳釵微墮玉波橫。雙鬟

影斜映月華明。香閣晚雲生。海棠春夢斷，訴流鶯、烟籠碧樹。
澹金屏，無情緒。隨意理銀箏。

麗處字
字能轉

湖上春遊

袁昌今

山遶平湖寺遶山。堤邊千柳樹。綠絲繁。杏花嬌倚玉闌干。秦樓
畔。小鳥舞翩僂。紅粉整雲鬟。笙歌吹畫舫。漾青帆。酒旗撩亂。
撲雕鞍。春色暖芳草弄晴灣。

高竹屋平生似欠西湖債。花柳
春風隘。與此同山盡春遊麗景。

春閨

張淵懿

日染花枝露欲收。輕攏殘鬢影不梳。頭曉風催燕出紅樓。歌翠
羽閒語待簾鉤。無計送離愁。闌干空遍倚。幾時休。烟波搖蕩。
渡前舟。楊柳外春浪拍天浮。

道細景不厭瑣
悉是填詞高手

金陵步芝麓韻

鄧漢儀

淮水橫拖柳線柔。曾聞簫鼓夜美人遊。一從好事斷香鈎。西窗月不肯勸梳頭。黃雨更深秋。怎禁桐葉下。一更愁。寒潮依舊繞城流。無人處。私倚闌江樓。

阮亭云與湘真幽蘭典曲同工矣

惜春

蔣會貞

無數遊絲裊碧空。飛飛雙燕子。入簾櫳。桃花如雨夕。陽中風定處。芳草襯殘紅。何事最愁儂。留春春不住。小眉峯。輕寒不覺減香筒。人去後。長自拚簾籠。

清遠多風頗似滄浪翁詞

和湘真詞

王士禎

行雲如夢雨如塵。秣陵惆悵事。最傷心。當年瓊樹照臨春。胭脂

井猶帶落花痕。芳草碧氤氳。舊時朱雀桁。幾回新青溪。休賽
蔣侯神。風景換紅淚。上羅巾。

夢裏秦淮清夜遊。銀罍檀板地。幾經秋。青溪如帶掌中流。三十
曲。曲曲木蘭舟。錦瑟伴箏篎。春江花月裏。不曾愁。折梅何日

下西洲。音信斷。愁上闌江樓。郊僧施游青溪三
十六曲一曲一詩
其愁桃李為
地阮亭憑吊流連如劉賓客咏企
慶詩既得驪珠諸人更無着筆處

惜分釵

代簡

程光祿

備梭織。備針緝。更慵垂露遊絲筆。顧庭槐。伐條枚。雕箇西窗。試
與他猜。回回。鱗兒沒。鴻兒逸。梅兒不耐逢春驛。說他呆。又還

非。棗。子。尖。酸。報。與。儂。猜。來。來。

東方朔云來來者棗也

阮亭云亦寄當時之意落思新巧

閨情

董以寧

人如玉。腰如束。櫻桃紅。濺裙兒。幅寫些評。誦些聽。步韻難工。險韻難成。生。生。幾低綠眉低。促吹簫。又下屏風。曲別時。盟見昔。

情呼儂。有字喚汝。無名卿卿。

研朱滴露喚汝呼儂我。不卿卿誰當卿卿者。

臨江仙 第二體 一名虞院深深

同內人湖舫送春川。歐陽永叔夏景韻。龔鼎孳

誰遣風姨吹畫機。晴湖蹴作濤聲。輕寒羅袖最分明。催花落盡。

此別太生生。薄福東君應自悔。一春雲幔風旌。雙蛾小皺縠。

紋平。夕陽無賴。不管鈿釵橫。

宗梅岑詩云翠羽日翻歌管部。紅燈春泊木蘭船。殆此時作耶。

夢起

王士禎

寶帳垂雲春夢足。銅壺漏盡金鸞夢中消息去。漫漫心情無那。比似越梅酸。春事料量歸欲盡。閒愁酒病多般。碧城十二曲欄干。遊仙枕上。枉自寫齊紈。

心情無那比似越梅酸
有心人讀之當爲淚下

臨江仙 第三體

秋興

錢光黼

酒谷頽然便醉視。川荒矣。懔耕不堪落葉兩三聲。病從秋後減。愁向雨中生。拊劍還歌白石。焚香復展黃庭。徘徊山寺又鐘鳴。鴉啼歸晚。樹蛩語伴疎燈。

滌逸頗似

唐子西

東坡引

席上

單恂

芙蓉勾好面。腕弱嫌金串。纔歌又笑輕遮扇。珍珠初脫線。珍珠
初脫線。凭肩軟語還羞人。看怕忒煞金樽滿。見今怯酒紅潮
遍。教郎分一半。教郎分一半。

各語輕俊微
逗元人口角

虞美人 第二體

春景

沈自炳

竹籬陣陣飛花雨。樓燕啣香語。孤雲細草小溪晴。攀梅拾豆打
流鶯。短橋橫。楊花一似郎情薄。相見還飄泊。空餘三月斷腸
春。萬重山外楚江濱。有行人。

艷語俱自情
景中生出

紅窗迥 第一體

入花叢抓髻

鄒祇謨

撇小鬟花徑裏怕翠泥潮透照顧鳳頭小履却被花姨調戲

放花稍相抵鬢撥難安飛蓬不理蟬翼輕施却向花姨微詈道

自來整冠避李怎援儂一側梁簡文詩同安鬟裏撥異作額間黃撥者撥也以木為之形如棗核

川以髮髻名曰髻聚

蟬翼薄薄安髻也

七娘子

寄訊

鄒祇謨

海棠嬌影垂楊線杜鵑啼怨流鶯轉情語題箋芳容題扇春風

吹損芙蓉面唇珠懶上紅笙安眉烟淡掩青琴鈿楚楚堪憐

僂僂堪怨迎風手執花枝顫

阮亭云一幅美人圖字字傾城傾國

十卷終